

Bildle vum See

Libelle flüget so glitzig
um d' Hand —
me mont, sind luuter Juchzgerle
vu de Sunn obenab.

Eidechsle wuschelet
dur's Laub —
bliib stoh und lueg
wie 's mit em Zingle
so gitzelig ummefuchtelet.

Er blooset lut uff
de Wind
und fuchtlet i de Bämm —
i wett bloß wisse
wa n'er wieder zschnorre hot
der Luuser.

Am Obed wäscht d'Sunne
Gold im See —
no packt se's zsamme,
steckts tief in Wolkesack
und rutscht demit gschwind
de Berg hintenab.

I de Weide det
güiget und gampfet de Wind
ganz verrückt —
's duet en scho gli
obenabe begle
des Gschrei wett i it heere.

Sternle flunkeret im See
o die Sternle —
wie se ummetanzet
mit luuter Schiehle
vu Glas.

Bruno Epple